

Na osnovu člana 52. stav (1) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), člana 74. stav (5) Zakona o državnoj službi u Kantonu Sarajevo ("Službene novine Kantona Sarajevo", broj 31/16), člana 76. Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine", broj 49/05), člana 34. stav (1) Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa ("Službene novine Kantona Sarajevo", br. 39/16 i 10/17), člana 29. stav (1) Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici ("Službene novine Federacije Bosne i Hercegovine", br: 69/05 i 29/06) člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br: 36/06, 8/12 i 39/16), ministar finansija Kantona Sarajevo, uz saglasnosti Vlade Kantona Sarajevo, donosi:

**PRAVILNIK
O IZMJENAMA I DOPUNI PRAVILNIKA
O UNUTRAŠNJOJ ORGANIZACIJI
MINISTARSTVA FINANSIJA KANTONA SARAJEVO**

Član 1.

(Izmjena člana 11. Pravilnika)

U Pravilniku o unutrašnjoj organizaciji Ministarstva finansija Kantona Sarajevo, broj: 08-01-02-25551/17 od 05.09.2017. godine i broj 08-01-02-25551-1/17 od 25.10.2017. godine, u članu 11. riječi: "31 državni službenik i 25 namještenika" zamjenjuju se riječima: "32 državna službenika i 24 namještenika".

Član 2.

(Dopuna člana 17a.)

Iza člana 17. dodaje se novi član 17a. koji glasi:

"Član 17a.

(Radno mjesto Stručni saradik za budžet i analizu budžeta – analitičar)

(1) Naziv radnog mjesta: Stručni saradik za budžet i analizu budžeta- analitičar.

(2) Opis poslova:

- a) Učestvuje u izradi programa rada Sektora,
- b) učestvuje u izradi budžeta u svim fazama u skladu sa zakonskim propisima,
- c) prati i primjenjuje propise iz oblasti planiranja budžeta,
- d) vrši analizu zahtjeva budžetskih korisnika i o eventualnim nepravilnostima obavještava Pomoćnika ministra,
- e) u analizi trenda rashoda budžeta koristi se savremenim metodama analize,
- f) prati propise na osnovu koje budžetski korisnici planiraju sredstva u budžetu,

- g) predlaže poboljšanja u planiranju budžeta kod budžetskih korisnika,
 - h) saraduje sa drugim sektorima i prati izvršavanje budžeta budžetskih korisnika u cilju boljeg planiranja,
 - i) učestvuje u postupku pripreme mišljenja na prijedloge zakona i podzakonskih akata sa aspekta finansijske opravdanosti i mogućnosti finansiranja iz budžeta,
 - j) analizira i učestvuje u postupku pripreme mišljenja na budžete jedinica lokalne samouprave u skladu sa zakonom,
 - k) analizira i učestvuje u postupku pripreme mišljenja na finansijske planove vanbudžetskih fondova u skladu sa zakonom,
 - l) svakodnevno usmeno, a jednom mjesečno pismeno izvještava Pomoćnika ministra o realizaciji planiranih aktivnosti za koje je zadužen,
 - m) ažurno i uredno vodi i čuva svu dokumentaciju koja se nalazi u radu uključujući i dokumentaciju u elektronskoj formi,
 - n) u obavljanju svojih poslova i zadataka dužan je da se rukovodi pravilima utvrđenim Etičkim kodeksom,
 - o) obavlja i druge poslove po nalogu Pomoćnika ministra i
 - p) za svoj rad odgovara Pomoćniku ministra.
- (3) U obavljanju poslova koji su opisu ovog radnog mjesta obavezan je da primjenjuje Politiku kvaliteta Kantona Sarajevo te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001
- (4) **Uslovi za obavljanje poslova:** Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 180 ECTS studijskih bodova ili drugog ili trećeg ciklusa Bolonjskog sistema studiranja završen ekonomski fakultet, jedna godina radnog staža u struci, položen stručni ispit, poznavanje rada na računaru, ili za namještenika organa državne službe koji je stekao VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja završen ekonomski fakultet, a koji ima najmanje pet godina radnog iskustva u organima državne službe nakon položenog stručnog ispita za namještenika u organima državne službe, položen stručni ispit i poznavanje rada na računaru.
- (5) **Vrsta djelatnosti:** Poslovi osnovne djelatnosti.
- (6) **Naziv grupe poslova:** Studijsko-analitički poslovi.
- (7) **Složenost poslova:** Složeni.
- (8) **Status izvršioca:** Državni službenik.
- (9) **Pozicija radnog mjesta:** Stručni saradnik.
- (10) **Broj izvršilaca:** 1 (jedan)“

Član 3.
(Izmjena člana 19.Pravilnika)

U članu 19. stav (10) mijenja se i glasi : “(10) Broj izvršilaca: 1 (jedan).“

Član 4.
(Stupanje na snagu)

Ovaj pravilnik stupa na snagu danom dobijanja saglasnosti od Vlade Kantona Sarajevo.



MINISTAR

Pre

Broj:08-01-02-25551-2/18
Sarajevo, 06.02.2018.godine

Na ovaj Pravilnik Vlada Kantona Sarajevo dala je saglasnost na _____ sjednici održanoj _____ godine, svojim aktom broj _____ od _____, a u skladu sa članom 52.stav (2) Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine, broj 35/05).



Broj: 02-05-5812-10/18
Sarajevo, 15.02.2018. godine

Na osnovu člana 52. stav (2) Zakona o organizaciji organa uprave u Federaciji Bosne i Hercegovine ("Službene novine FBiH", broj: 35/09) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 -Novi Prečišćeni tekst i 37/14- Ispravka), Vlada Kantona Sarajevo je na **114.** sjednici održanoj **15.02.2018.** godine, donijela

ODLUKU

I

Daje se saglasnost na Pravilnik o izmjenama i dopuni Pravilnika o unutrašnjoj organizaciji Ministarstva finansija Kantona Sarajevo, broj: 08-01-02-25551-2/18 od 06.02.2018. godine.

II

Ova Odluka stupa na snagu danom donošenja.



Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo finansija
4. Stručna služba za zajedničke poslove Kantona Sarajevo
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

